

DISSERTATIO PHILOLOGICO-THEOLOGICA

DE

VI VOCABULI  
ΠΝΕΥΜΑΤΟΣ,  
1 PETR. III: 18;

---

QUAM,

CONSENSU MAX. VEN. FACULT. THEOL. AD IMP. ACAD. ABOENS.

PRÆSIDE

MAG. GUSTAVO GADOLIN,

S. S. Theol. Doct., Prim. Theol. Prof., Archi. Præp.,  
de S:t Wolodimiro Imp. Ord. in IV Classe Equite,

PRO CANDIDATURA THEOLOGICA

PUBLICO EXAMINI SUBJICIT

JACOBUS ALG. GADOLIN,

*Phil. Mag., Aboënsis.*

In Auditorio Juridico die XXIV Nov. MDCCCXXI.

horis 2. m. consuetis.

---

A B O Æ , typis Frenckellianis.





To πνευμα εσι το ζωοποιετη.  
Joh. VI: 63.

**U**t quisque animo excelsior, vel generatim viribus robustior, ita & mitior plerumque. Virium sibi conscius atque recti, conamina imbecillitatis pravitatisque contemnit, quippe quorum perspicere valet vanitatem. Nulla instigante resistentia, languescit imbecillitas, emoritur pravitas. Quidamnam, omne magnum, non quia vehemens, animos sibi conciliat; neque vis umquam majores quam mansuetudo reportavit triumphos. Cujus rei ubique constantem ipsa Natura, qua nihil majus, nihil verius, nihil sublimius & simul omnium pericula facilime admittens, exhibet suo exemplo experientiam. Talis est veritas cœlestis a Jesu revelata, irrefisionum stultarum & iniquarum patiens, æque ac sapientium & modestarum persecrationum. Cujus & inveniendæ & confirmandæ gratia multum etiam in oraculis sacris, eam continentibus, interpretandis laborarunt theologi doctique alii, partim animorum vehementia acti, partim moderatione usi; qui moderatorum, principes certe, opinionibus sui ævi præjudicatis se accommodarunt, id tolerantia sua effecerunt, ut rerum minutorum jactatores, insanientes aliquamdiu, rigiditate tandem ipsum sua relaxati, locum cederint veritati, & philosophia

saniore collustrati nucleum putamini præferre didicerint, nobisque sic audentius his de rebus jam licuerit disputare; at, ut e magnis virium contentionibus novi & pulchri quid semper oritur, ita etiam sæpius *ipſi* novi luminis gloria, a ruina ipsius perversitatis oriunda, sanctum viætricis veritatis solium se adornasse ulterius lætari potuerunt.

Fuit tempus, quo theologi & facrorum interpretes, verentes ne doctrinam de S. Trinitate violarent, si voc. Πνευμα interdum etiam de Patre & Filio in Sacro Codice exponi posse concessissent, talem ejusdem significationem vel silentio præterirent a), vel etiam aperte negarent b). Fuit, cum miraculorum & prodigiorum fingendorum supra modum studiosi, jactura sæpe bonæ interpretationis, contextui & genio linguae maxime consentaneæ, sensus verbalis, ad tedium usque cœce, servandi gratia, ubique detexisse se res captum superantes opinarentur. Fuit denique tempus, nondum omnino præterlapsum, cum Scripturæ locutiones, fortuito similes, ante omnia, in quibus miraculosi quid deprehendisse fibi viderentur, — nam mira semper adamant & præoptarunt homines — inter se comparare aliamque ex alia stricte interpretari allaborarent, ita quidem haud raro, ut toti contextus seriei ex arbitrio vim inferrent manifestam c).

---

a) Ut Stroccius in Clavi Linguæ S. N. T. SCHWARZIUS in *commentariis crit. & philol. N. T.*

b) Vid. Cel. MICHAËLIS in der Eklärung des Briefs an die Hebr. p. 245.

c) Neminem offendat, quod ingenuus fateri debere mihi videar, perpetuos in Sacrum codicem commentarios plurimos hic illuc, non bonas & probandas locorum explicationes, sed variarum interpretationum fine delectu compilatarum farragines, præbere. Quod hujus generis scriptoribus magno fane cedit vituperio. Conf. Præf. primæ editionis N. T. KOPPIANÆ Vol. VI.

Non is ego sum, qui his omnibus me eminentiorem putem d), nec qui eorum dignitatem, maximam sane multorum, minuere velim. Fieri non potest quin verum & pulchrum omnis ævi, sive antiqui sive moderni, reverenter pioque quisque colat corde. Neque cœlestis esset Religio, nisi ei, ut omni perfecte pulchro, simplicissimæ licet & captui cuiusvis evidentissimæ, tantæ ineslent quasi divitiæ spirituales, ut, quo sèpius Scriptura perlegatur, & quo accuratius examineatur, eo plus in ea novi semper detegatur. Supersunt itaque & semper supererunt scrutatori factorum oraculorum multa, quæ antiquiorum interpretum assiduitatem & curas fefellerrunt, & eos vel fugerunt plane, vel diverse ab illis considerata fuérunt.

Valent hæc, ut in sequentibus apparebit, omnino inter alia de δυσνοητῷ, illo vocabulo πνεῦμα, quod æque ac ei respondens Hebr. ρωγή, multiplici modo ad res bene multas in sacris litteris translatum, & de rebus vanis ac nihili, & de sublimibus, quas celsissimas imaginari audebis, usurpatum e).

d) Absit omnino ut in nos quadret crimen, cuius haud immerito reos se fecerunt homines ætatum proxime preterlapsarum, quod scil. suum captum excedentes, fideque sola acceptandas esse ullas Religionis veritates negaverint, quodque se ad velamen tot seculorum luminibus obductum retegendum, & ad vincula superstitionis revelanda, fato quasi destinatos putaverint. Confer *Om sann och falsk upplysning med afferende på Religionen* p. 26. — De cetero, illam quam in hoc opusculo defendere conabor significationem τὸ πνεῦματος, de Christo I Pet. III: 18 usurpati, gratam acceptamque refero Auctori anonymo in *Repertorio Eichhoanii für Bibl. und Morgenl. Litt. Part. II.*

e) Etiam apud profanos Scriptores πνεῦμα sensu metaphorico usurpatur. Ita inter alios SOPHOCLES, Oedip. Kolon. ad animi sensum designandum in v. 612 illud exhibet: καὶ πνεῦμα ταῦτον οὐποτεύεται εἰς αὐθέατοι φίλοις βεβήκεν, οὐτε προς πολὺ πολεῖ.

Pariter cognationis obtinet ratio inter voces σαρξ & בָשָׂר.  
 Unde cum constet sermonem N. T. proxime se accommodare  
 ad Veteris formam, imprimis quod locutiones metaphoricas  
 & poeticas attinet, facile nobis persuadetur, Scriptores utriusque  
 sacri codicis vocabulis, de quibus jam disputandum in  
 nos sumsimus, similiter h. e. eodem sensu, pro materia sub-  
 strata, & ante omnia significatu eodem tropico fuisse usos.  
 Igitur eruto vero horum vocabulorum sensu in alterutra lin-  
 gua, in altera etiam vis eorum indagabitur facilius. Quæ  
 tamen methodus non sufficit ad potiora imprimis & obscuriora  
 N. T. loca, ubi hæ usurpantur voces, plene declaranda, quo-  
 niam magis magisque temporis decurso crevit tropicus eorum  
 usus, partim pro subtilitate materiei & rebus, quæ in V. T.  
 locum nec habent nec habere posunt, partim pro longin-  
 quiore eorum usu; consuetudine enim translatæ verborum  
 significationes in populares & quotidianas abeunt, unde ori-  
 untur novæ præ veteribus implicatae. Nostrum jam non erit  
 delineare quasi viam, quam recentiores, a primitivis illis lon-  
 gius progressi, parem fere & eandem, iverint significatus  
 horum, iisdem mutationibus obnoxiorum, utriusque linguae  
 vocabulorum f). Sufficit tantum dixisse notionem *roboris*,

f) Justo longius mibi progressi videntur qui formulam רוח יהוה  
 eam vim habuisse, ut *Filiū Dei* l. *divinam Christi naturam* deno-  
 tet, contendant. Non possum quin hic verba E. A. FROMMANNI,  
 ad hunc locum immediate pertinentia, afferam: ... "Quod quidem  
 esti ad liquidum perducere non conamus, suspicionem tamen faci-  
 unt Rabbinor. veterum loca aliqua, quæ afferemus. Ad Gen. 1: 2,  
*Et spiritus Dei ferebatur super aquis*, commentatur Sohar Genes.  
 fol. 19 col. 75. רוחוֹת רַבְבָּא מִשְׁיחָה. Intelligitur *spiritus*  
*Regis Messiae*. *Vaiikra rabba* sedl. 14 princ. *pesikta rabbathi* fol. 58, 2,  
 3: unde probas quod Rex Messias ab initio mundi fuerit? Resp. ex  
 verbis: *Et spiritus Dei ferebatur.* Quisnam hic innuitur? Resp.  
*Rex Messias de quo* *Jes. XL: 2,* *Et requiescerit in eo spiritus*  
*Domini* (In nota illustrat, *SCHOETINGER* hæc loca in Hor. Hebr.

*perfectionis, excellentiae & alicujus sublimis semper, præ crasta materia veluti ad cœlos usque elati, ut *Dei, Angelorum, animi humani* & sic porro, ut fontem reliquarum significationum, vocabulo *πνευματι*, ad exemplum Hebr. בָּשָׁר competingere. Ita etiam ad imitationem Hebr. בָּשָׁר, quo expressas voluerunt notiones *fragilitatis, caduci, humili & humani*, σωζ̄ in N. T. sœpissime usurpatur. Plus nobis luminis affulget inter se comparatis voc. σωζ̄ & *πνευμα*, quæ innumeris fere in locis N. T. vario sensu, cum phyllico tum morali, ut sibi invicem opponuntur, ita invicem se declarabunt. Quid? quod etiam synonyma, quæ pro hisce promiscue obveniunt, caliginis dissipandæ adminicula haud erunt spernenda.*

Loquitur Paulus in Ep. ad Cor. Cap. XV de resurrectione corporum, ubi statum σωρος f. της φθορας opponit της αφθαρσιας, της αιμιας pariter της δοξης g), της αεθενειας & της δυναμεως; & v. 44 ψυχικον eique aperte contrarium πνευματικον. Σωζ̄ και αιμα (το φθαρτον, το θνητον), vocantur v. 50 homines hac in vita. Eo igitur sensu revera interdum usurpatur vocabulum σωζ̄, ut hominem designet, qualis hac in vita sit animo & corpore praeditum, seu quod eodem reddit, statum hominis in tempore vilem. Oppositum

Iaudate, T. II: p. 243). In translatu Talmudico *Avoda Zara* fol. 5, 2. R. Jose dixit: *Filius Davidis non ante veniet, quam omnes animæ, quæ in Guph sunt, absolutæ fuerint;* quod dicitur Jef. LVII: 16, סִי רַיחַן מְלֹכֵנוּ יְעַתֵּךְ quin spiritus a facie mea tardabit. Ubi Tosephot. *Messias dicitur רַיחַן spiritus.* Threni IV: 20".

g) Sic & Rom. VIII: 21 opponuntur sibi invicem ἡ δύλεια της φθορας & ἡ ελευθερεια της δοξης & ibid. v. 18 ἡ φθορα explicatur τα παθηματα των νεανων.

igitur το πνευμα quid, nisi status post mortem eminentior, perfectior h)? Pari accipi solet modo σαρξ 2 Cor. IV: 11, θυτη τη ψωη oppositum; quo sensu πνευμα & ψωη ut synonyma existant 2 Macc. VII: 23; και το πνευμα και την ψωην παλιν αποδιδωσι. Ebr. VII: 16, τη δυναμει της ψωης, vel si mavis τη ψωη αναταλυτω contrarium ponitur το σαρξ, status scil. hujus ævi s. temporalis, in 1 Pet. IV: 6 etiam oppositus τω πνευματι.

Statuum pariter Christi vivil scil. & gloriofi, multoties in N. T. fit mentio. Huc referrem locutiones, σωμα της δεξιης & την ταπεινωσιν αυτε; αυτχυνης καταφρονησας, εγ δεξια τε θεος καθισας, rel. Utramque vero hanc illius condicionem vocabulis, de quibus imprimis heic disputamus, innui, 1 Tim. III: 16, Rom. I: 4, Hebr. IX: 14 & "sorsitan" Joh. VI: 63, præente anonymo apud EICHORNIA probare conabimur i).

---

h) Ita etiam in Report. EICHH., Author anonymous Part. II, p. 4: "— σαρξ ist sein (des Menschen) jetziger Zustand. Wenigstens, wenn Paulus Gal. 2, 20 von sich sagt, er lebe im Fleisch, so lässt sich dabey nichts anders denken, als Leben im jetzigen Zustand, Aufenthalt auf dieser Welt, Fortdauer in diesem Anfangs Zustand unserer Existenz. Selbst das dogmatische Wort ενσαρκωσις, bedeutet den Anfang des niedrigen Zustandes Jesu. Nun πνευμα der Gegensatz, was kan es anders seyn, als entweder der Mensch im besfern, künftigen Zustand oder der edlere geistigere Zustand selbst, der auf das gegenwärtige Leben folgt?"

i) Eadem loca, ultimo excepto assert FROMMANNIUS ad demonstrandum πνευμα interdum significare Divinam Christi naturam, quod "tribus Testimonii" probare vult: Imo Externis, duobus e Iessa LXI: 1, & XLII: 1, æque ac locis aliquot veterum Rabbinorum (vide supra Not. f), ensam, ut ipse dicit, ei conjectandi præbentibus, in Veter. Iudaor. scholis non inusitatum fuisse, Messiam spiritus nomine insignire; unde ei probabile saltem videtur,

Et primo quidem illa 1 Tim. III: 16, εφανερωθη εν σολαι,  
εδικαιωθη εν πνευματι, αρθη αγγελοις, εκηρυχθη εν εθνεσιν,  
επιτευχθη εν κοσμῳ, ανεληφθη εν δοξῃ, perlegenti mox in o-  
culos cadit, Apoitolum ibi ter binis antithetis, quae se mutuo  
itaque explicare debent, ordine haud arbitrario, sed ut iis  
gradatim k), pro serie temporis, historiae Christi summa trade-  
ret momenta, apte dispositis, esse usum. Nimirum apparuit  
Salvator in carne, hoc in mundo; post peractam heic vitam  
& opus Redemtionis consummatum, ut pateret se non fru-  
stra hominem factum, nec sine gravissimo consilio & fructu  
docuisse & pasum necatumque fuisse, resurrectione sua e  
mortuis sanxit doctrinam, &, ingresus flatum suum glorio-  
sum, se justificatum l, patri acceptum & vere Dei esse Filium  
probavit; dein fidem suorum confirmatus conspicendum se  
præbuit discipulis l); tum ut ad fidem ducerentur etiam alii,  
aliis vitae redditus ab Apostolis prædicatus, & quidem pro-

---

vocabulo N. T. πνευμα divinæ Christi naturæ significationem com-  
petere; II:do Internis, quibus haud incommodè tribui τῷ πνευ-  
ματι in eitatis N. T. locis notionem Div. Christi naturæ putat;  
& III:to Testimonis scriptorum Vet. eccl. apud quos πνευμα  
significatu Div. Christi naturæ occurvere, ex nostro quidem sensu  
frustra demonstrare vult.

k) Quo magis verba SEILERI meditor: "Diese Worte scheinen aus  
einem damals bekannten Gesange der Christen genommen zu seyn",  
eo probabiliora mihi videntur. Nam non casu projecta, sed ordine  
certo esse disposita, adeoque arti & studio originem debere suam,  
ea quae in textu leguntur, mihi quidem veri est simillimum.

l) Convenit inter interpretes, plures faltem αγγελος heic esse disci-  
pulos (non angelos, quibus opponi debuerunt non εθνη verum  
ανθρωποι). Sed antitheticum quod ineft vocabulis αγγελοις  
(discipulis ad docendum missis) & εθνεσι (scil. erudiendis) fa-  
cile patet.

spero cum successu, ita ut crederetur: quibus omnibus absolutis perfectisque tandem *in coelos sublatus* est m). Sufficit hoc, ut mihi videtur, ad demonstrandum, τῷ πνευμᾷ h. l. optime sane posse — an non etiam debere? — per statum Christi gloriosum explicari.

Dein in Rom. I: 3, 4: περὶ τῷ οὐρανῷ αὐτῷ γενομένῳ εἰς σπερματὸς δαβὶδ, κατὰ σάρκα τῷ ὄρισθεντος οὐρανῷ εἰς θυντήματα, κατὰ πνευματικὸς ἀγιοτυπίης εἰς αναστάτως νεκρῶν, quem fugit εἰς σπερματὸς δαβὶδ & εἰς αναστάτως νεκρῶν τε invicem respicere. A semine Davidis prodierat κατὰ σάρκα (in statu viliori); at κατὰ πνευματικὸς ἀγιοτυπίης (in statu eminentiori & sanctissimo n)) a resurrectione eis mortuis, qua εἰς θυντήματα o) Filius Dei declaratus est. Ulterius, si placeat, animadvertere licet, harmoniam inter hæc antitheta, si *Divinam* & *humanam* Christi naturam heic intellexeris, ruptum iri. Prout enim apparitio humanæ naturæ initium habuit in nativitate a semine Davidis, ita etiam declaratio Divinitatis inciperet demum a resurrectione eis mortuis; at demonstrata & patefacta jam fuerat Divinitas

m) Aut & lubet, significationem recipiendi l. excipiendi (*in coelis receptus*) huic tribuas vocabulo.

n) Warum diese Zustand *ἅγιον*, heilig, heisse, finde ich im hebräischen Gebrauch des Wortes, nach welchem alles, was Verehrung verdient, heilig genannt wird. EICH. Repert. p. II pag. 19.

o) Redditur vulgo quidem *θυντήματα* h. l. efficacissime, evidentissime, ut hominibus scil. certissime persuadeatur. Annon potius reddi possit *in maiestate*, immo *divina*, ad ex. v. 20 *αὐτὸς αὐτῷ θυντήματα καὶ θεοτύπους*, & Luc. XXII: 69: *καθημένος εἰς δεξιῶν τῆς θυντήματος τῷ Θεῷ?* adeo ut synonymum sit τῷ κατὰ πν. δικαιοτυπίης ulteriusque luminis supra jam dictis de hoc vocabulo ejusque synonymis afferat.

Jesu multoties efficacissime & gloriofissime in Nativitate, Baptismate, Declaratione in monte coram Jacobo, Johanne & Petro, & in ipfa Cruce.

Sequitur locus Hebr. IX: 14, *χριστος δια πενματος αιωνιας έσσυτον προσηγεγκεν αμωμον τω Θεω*. Qui totam attente perlegerit Epistolam dubitare nequit, Apostolum, comparando Christum, ceu Pontificem vere aeternum & perpetuum, cum Pontificibus Leviticis, respexisse non praestantiam modo victimae N. T., sed quam maxime dignitatem & Pontificatus Jesu, Judæorum illo, terrestri scil., & cuius sacrificia quotannis erant repetenda, multis modis longe superioris, & ipsius sanctuarii Ejus, non manu facti, sed cœlestis. Per integrum Epistolam loquitur Eum jam διεληλυθοτα τεσσαρες IV: 14, h. e. in statu exaltationis; *ιερεα εις τον αιωνα V: 6*; *επελθοντα εις το επωτερον της καταπετασματος VI: 19*; *ιερεας κατα δυναμιν ζωης ακαταλιπτη VII: 16*; & quoniam sacerdotium habeat Christus non transiens, v. 24, intercedendo perpetuum salutem afferre potest τοις προστερχομενοις δι' αυτων τω Θεω, vsf. 24, 25: breviter, concipit Eum ut Pontificem summum εν δεξιᾳ της θρονος εν τοις εγουσιοις, VIII: 1, 4, non επι γης. Tali munere Potificis fungens praesentavit p) se Deo,

---

p) Commemorasse juvat verbum *προσφέρειν* proprio non, forsitan numquam, sensu sumi immolandi, matandi, cui speciatim respondebit *θυειν*. In hac epistola frequentissime est offerre cui quid e. g. dona, sacrificia; at offerre sacrificia nondum est sacrificare, sed sacrificandum i. sacrificatum praesentare. Ita hujus Ep. V: 1, 7; VIII: 3, 4; IX: 7, 9; X: 1, 2, 8, 12; XI: 4 & 17, quo ultimo loco dicitur Abraham filium unigenitum *προσηγεγκειον*, h. e. nequam immolasse, sed immolandum obtulisse. Nuda vero posito subintelligitur semper δωρον aut ejusmodi quid, ut Marc. I: 44; Luc. V: 14; & aperte Hebr. V: 3, vide vers. 1. Ita & *αναφέρειν* VII: 27.

ei offerens sanguinem suum. Id factum est *δια πνευμάτος αιώνις*; hoc quid est, antecedentibus rite consideratis, nisi *in statu illo excellentissimo?* — Continent versus 13 & 14 manifestam verbum 11 & 12 explicationem. Nempe describitur ab initio Capitis tabernaculum Judaicum, quod, splendidissimum licet, adumbratio tantum erat Tabernaculi cœlestis. Ut in illius sanctum sanctorum semel quotannis intraverat Pontifex max., qui erat Pontifex bonorum ad corpus pertinentium, ita Christus, *αρχιερεὺς futurorum bonorum*, in hoc semel tantum intravit, — ibique est & manet — non ut ille cum sanguine vitulorum & hircorum, sed cum proprio suo sanguine: si vero horum sanguis, quem obtulerat sive præsentaverat talis Pontifex, qui sua ipsius peccata primum expiare debuerat, VII: 27. fini intento responderat, quanto magis sanguis, quem obtulit I præsentavit *αμάραντος* q) Christus, quique in æternum εν τῷ επωτερῷ καταπετασμῷ sui tabernaculi glorioſissime veratur r)! Hinc etiam in fine Cap. VII dixerat Paulus expiationem Christi esse sempiternam.

q) Der gröſtere Theil der Ausleger verbindet die Worte (*δια πνευμάτος αιώνις*) mit *αμάραντος*: Er hat, vermöge seiner geiſligen ewigen Natur sich unbefleckt erhalten und geopfert. Allein hat jemals Paulus, welcher seine Sätze immer unter andern Wendungen zu wiederholen gewohnt ist, die Heiligkeit Jesu aus seiner göttlichen Natur hergeleitet? und würde sie alsdann auch den hohen Werth haben, der ihr beygelegt wird? EICHN. Rep. Pars II; pag 21.

r) NOESSELTUS (in fasciculo opusculorum ad interpretationem sacr. scriptur.) Ad suam corroborandam sententiam (statuit namq. πνευματικῶν significare victimam perfectam eamq. sempiternam), contentit pag. 307 *δια πνευμάτος αιώνις* v. 14 idem valere ac *δια τέλους οὐμάτος* v. 12 & *δια τῆς θυσίας αὐτοῦ* v. 26, particularumque *δια* ejusdem his locis esse significationis. At ex hisce parallelis in aprico est, quod τὸ *δια* v. 14 respiciat τὸ *δια τῆς μεσοῦ τελειοτερος σκηνῆς* v. 11 & *δια τέλους οὐμάτος* v. 12;

Tandem quinam in Joh. VI: 63, Το πνευμα εσι το ζω-πνευμα, οτι σαρξ εκ αφελεος εδεν. Τα δηματα αι συν λαλω νυν, πνευμα εσι και ζωη εσιν fit significatus τη πνευματος, facile, ut nobis videtur, indagabimus, si seriem orationis ipsius Salvatoris, ab Evangelista annotatae, consideraverimus. Nam de coelesti sua doctrina & de cruenta sua ac salutifera morte, h. e. de se auctore vitae in aeternum duraturae tropice & per ambages multas vicibus varie repetitis disseruit Christus, eo forsan potissimum consilio, ut auditorum animi ad rem tanti momenti concipiendam attentiores redderentur, & ad verba Ejus altius memorie infigenda formarentur. Antea jam, cum quinque millia hominum panibus saturasset paucissimis, agnoverant quidem sui auditores magnum in Eo aliquid & excellens; attamen Ei praeferrre visi sunt Mosen, qui Majores numero plures, & per tempus multo longius pane coelesti, v. 31, sustentaverat; valdeque indignati sunt quod Jesus, vitam ipsis aeternam se procuraturum pronuntians, eosque e mortuis se resuscitaturum promittens, divinam suam esse, quam tamen ex hominum genere derivatam probe, ut ipsis videbatur, novabant originem, affirmarat vsl. 40—42. Quae res eos maxime offendisse videtur; nam cum iterum iterumque se Mose esse potiorem, seque vitam aeternam largiturum profesus esset, irati (nam vsl. 65, 66 abibant multi s)) ajebant: dura

— que ac illud idem in v. 26 plenisime respondeat τω — δια αιματος τραχων &cet. v. 12, significatu igitur toto celo a se invicem abhorrente. Idem valet de citato a Nosselto εν αιματι διαθηκης αιωνις XIII: 20 ubi particulæ εν, que cum δια sepe variatur, hujus plane, IX: 12, vim adscribere fas est. Ulterius liquet Apostolum ipsum comparare το προσηγεγκεν cum εισελθεν v. 12, εμφανισθηται & πεφανερωται v. 24, 26 &c.

s) Haud apte ROSENmüLLERUS: "Discesserunt itaque a Jesu, quia iam percipiebant, Eum non respondere eorum votis & consiliis, quae Messiam tribuerant".

h. e. impia, scelesta t), est hæc oratio; quis velit eum audire u) His Iesus: *hoc igitur vos offendit?* g. d. de mea dignitate dubitatis? *Quod si videretis me in coelum ascendentem, ubi antea — ante incarnationem — versabar*, certe orationis meæ locutionumque harum mysticarum memores de divinitate mea convinceremini & fiduciam iis poneretis. Post hæc videtur aliquanto siluisse, quo tempus ii meditandi haberent. Dum vero adhuc dubitarent, nec fide Eum amplecterentur, propriis magis & evidentioribus utitur verbis, quasi dixerit: immo illuc in coelum altissimum memet evectum iri conspiciens, ubi mihi, quum in statu πνευματικω sum ego, facultatem vivificandi forte concedetis? quod scil., homo si essem hujus vitæ merus, efficere minime valerem v). Quinimmo, infigatis menti quæ palam profiteor: *verba, quæ locutus sum, respiciunt illud πνευμα*, statum meum futurum πνευματικον & vitam x) h. e. vivum & a mundano prorsus alienum illum.

- t) Ita σκληρος ὁ λόγος potius, quam ut nonnullis: *difficilis intelletu*. Cfr. Jud. 15. Τις δυναται αυτες ανθερ vel præ metu adstantium quorumdam addidisse potuerunt. Vide VII: 13, 48.
- u) Hæc omnia allata recitataque volui, ut eo luculentius appareat, auditores magis indignatos fuisse temerariam, quæ ipsis videretur, divinitatis jaftationem, quam obscuriorum illum de comedione corporis sermonem, etiamsi v. § 2 irritonis causa percontarentur, quomodo ille corpus ipsis manducandum præberet.
- v) Ne offendat quempiam voc. σάρξ hoc versu a nobis alio sumi sensu quam in præcedentibus (si revera diverse sumitur) ejusdem orationis. Maxime ad id attendere profit, ut generatim monet Koppius: in *Discurso de variis vocabuli πνευματος significationibus*, utrum Auctor usu ipsius πνευματος ad oppositum σάρκα deligendum, an, voce σάρκος semel adhibito, ad πνευμα ei opponendum deductus fuerit. Heic prius illud obtinet locum.
- x) Ut synonyma sœpe usurpatur πνευμα & ζωη. Cfr. supra cit. 2. Macc. VII: 23. Ζωη v. 51 oppositum σάρκα hujus loci exhibet declarationem.

Evidens omnino est orationis Jesu filum quasi abrumpi intercluso verlu 63, qui explicationem mox precedentium continet. Quærendum itaque ad quam rem respexerit Jesus quæstione vsl. proxim. 61 & 62 proferenda, utrum ad id quod divinum se dixerat, an ad id quod sermonem ex auditorum sententia amentem habuerat. Posteriorem sensum si assumamus, aut cum BOLTENIO y) πνευμα sermonem metaphoricum & σαρκα naturalem vertamus; quo facto τα εγματα &c. transferendum esset: *verba quæ locutus sum, improposito sensu sunt sunenda* — quod vero jam sciebant auditores z) —, aut σαρκα reddamus, *comestionem carnis*, quæ si fieret, nihil esset juvatura; tum sibi invicem opposita non essent πνευμα & σαρξ. Prior vero explicatio universo sermone accommodatissima nobis videtur aa).

---

y) Vertit hunc versum: Das Verblümte ist kraftvoll, das Naturliche ist ohne Wirkung; die Reden, die ich zu euch halte, sind verblümt und kraftvoll.

z) Aliquatenus certe etiam sensum allegoriei Ejus sermonis intelligebant v. 41, 42.

aa) Qui verba Jesu v. 62, 63 ut explicationem locutionis de σαρξ interpretari optarunt, in risum fere vertere mihi videntur orationem Ejus. An itaque Eum piguerit metaphorice esse locutum! — Scimus Judæos expectasse Meshiam venturum ut magnum Principem de cœlo descendenter, vel saltem ita ut sciret nemo unde venerit. Nihil igitur probabilius quam ut hunc, vilis feil. originis hominem, ita de se jactanter loquentem pro phantasta haberent. Oculos igitur eorum aperire debuit Jesus: hinc quæstio v. 62, 63, ut jam monuius, explicata. Verumtamen inquit v. 64: sunt inter vos nonnulli οι & πισευθοι: at quid? Minime quod dicta Ejus sint *improperie intelligenda!* Explicit nobis Simon Petrus v. 69 quid sit, quod & πισευθοι τινεσ: explicit idem iam Christus Ipse v. 29.

Illam etiam confirmat *ira*, quam in Jesum mox post hanc orationem Judæi, paullo ante familiarissime cum Eo versati, conceperunt. (Voluerunt eum occidere VII: 1.) *Sed uicit populum* de eo dicebant VII: 12. Hinc magis etiam corroboratur nostra de significatu τοῦ ἀληθεῖας VI: 60, sententia; *blasphemum* enim eum habebant X: 33. Hinc porro explicationi nostræ v. 66 cur *abirent multi confirmandæ* novum accedit argumentum. His itaque annotatis allatisque non dubitamus quin in aprico sit, verissimum hujus loci sensum nostra interpretandi via minimis ambagibus erui *bb*).

His N. T. dictis, tribus imprimis prioribus, præmissis, concedendum certe est, vocabulo πνεύμα de Christo usitato revera eum, quem contendimus, competere significatum. Restat ut an idem 1 Petri III: 18 habeat locum disquiramus.

Breviter igitur ipsam Epistolam percensemus probe attentes ad nexus antecedentium & consequentium, nec oblieti primariæ hermeneuticæ regulæ, quæ, quia auctor ipse sui optimus est habendus interpres, loca ejus magis minusve parallela, sive quæ ceterum quodammodo hunc nostrum respiciunt, adire & diligenter consulere nos jubet.

Jam ab initio Epistolæ consolatoriaæ indigitare videtur Petrus illum omnis solatii fontem, Resurrectionem Jesu Christi e mortuis, animos nostros spe certa & lætissima recreantem, quo fore ut olim κληρονομιῶν εὐ αγανων consequamur. Dein per totam Epistolam Resurrectionem Jesu æque ac statum Ejus post mortem majestaticum, ceu scopum ultimum & sublimem,

---

*bb*) Eodem fere redit hujus loci in Repert. EICH. disquisitio, ubi ad finem hæcce: Diese Verbindung zwischen einem Zeugniß von Jesu Himmelfahrt und von πνεύμα, das glückselig macht, ist nach dieser Auslegung ganz ungezwungen, *gadōv τοῦ αληθεῖας*.

in quem oculos pia semper mente dirigere debemus, proponit. Esse igitur nos debere sanctos coram Deo, vita, quæ nos cum hominibus jungit, honestos, & ante omnia dolorum patientes ad exemplum Christi, qui, homo sicut nos, θανατωθεις μεν σαρκι ρωπομένης de πνευματι III: 18, monet; nam brevi finietur hæc vita caduca, & dies magnus consolationis, finis omnium malorum, nos in statum, qui mortem excipiet gloriosum, nullis circumscriptum limitibus, translatus illucefcet.

Conditionem, de qua ubique heic loquitur, post παθηματα & θανατον futuram των δικαιων, per vices appellat ελπιδας ζωσαν; κληρονομιαν αφθαρτον και αμισαντον και αμαρταντον, τετηρημενην εν εργαιοις; σωτηριαν ηγοιμην αποκαλ. εν καιρῳ εσχατῳ; σωτηριαν ψυχων; δοξας; δοξων (vide supra); πνευμα IV: 6 (eodem quo πνευμα III: 18 sensu).

Porro; C. III: 14, οὐκ ει και πασχοιτε δια δικαιουντης μακαριοις Nihil convenientius quam ut h. l. in memoriam revocemus Matth. V: 10. Ipse qui audierat Petrus Dom. Jesum e monte dicentem, quomodo umquam divinæ hujus concionis, imprimis initii ejus notatu dignissimi, oblivisci potuit, præsertim in hac conscribenda Epistola! Palam est eum recitare Jesu verba, eoque magis, quo certius C. IV: 14 respicit Matth. V: 11. Explicabunt itaque hæc loca Matth. & Petri se invicem. Quid igitur? μακαριοις dicit Petrus priori loco; ὅτι αυτων εσιν ή βασιλεια των εργων, addiderat Christus Matth. V: 10. Μακαριοι posteriori loco dicit Petrus; Matth. V: 12 ὅτι ο μισθος υμων πολλυς εν τοις εργαιοις. Petrus hunc τον μισθον εν τοις εργ. declarat: ὅτι το της δοξης και δυναμεως και το τε Θεος πνευμα εφ' υμας αναπαντεται. h. e. salus illa gloriae, vobis qui propter Christum mal tractamini paratæ, & salus Dei, quali fruitur Deus, & quali vult ut nos fruamur εν εργαιοις, vita sc. æterna in statu gloriae. Si quis maluerit explicare της δοξης genitivum ut Hebr. more

pro *adjectivo*, ego haud repugnabo. Vel sic confirmabitur nostra vocabuli πνευματος explicatio.

Deinceps, quid velint verba v. 21 δι αναστασης Ιησος Χριστος, videamus. Sic etiam nunc, dicit Petrus, — est heic a vsl. 19 & 20 epanodus in verbo νω — quoniam Christus est ζωοποιηθεις τω πνευματι, etiam nos in baptismate servabimur mediante eo, quod ζωοποιηθεις est Christus, h. e. mediante Ejus resurrectione; quia Is ζωοπ. est & resurrexit, etiam nos ζωοποιηθετε erimus & resurgentemus; non aliter ac pauci homines in aqua, mediante arca, tempore Noe servabantur. Arca aquis innatans facta erat ab hominibus, & oculo illos ab interitu arcebat; Christus ζωοποιηθεις I. resuscitatus erat a Patre, & nos ζωοποιησει h. e. ab internecione inhibebit cc). Christus ζωοποιηθεις τω πνευματι: tempore Noe το θυμωρ επωσε ολυγας ψυχας δια ηβωτος κατασκευαζομενης: nunc σωζει ημας το βαπτισμα (αντιτυπον τη θυμωρ) δι αναστασης Ιησος Χριστος (αντιτυπε τη ηβωτης κατον.). quæro igitur jam, quomodo posit in hocce ζωοποιηθεις γαρ τω πνευματι illud το πνευμα esse Divina Christi natura, & δι αναστασης I. Χριστος significari resurrectio secundum eandem tantum naturam. (Quid inde solatii in nos derivari potuerit?) Num quia participes facti erant δι ολυγαι τη ηβωτης, igitur nos etiam Divinæ Christi naturæ dd).

cc) "Similitudo inter diluvium & baptismum haec est, quod Noa servatus est in aquis & nos servamur in baptismo. Sed dissimilitudo in eo est, quod ille servatus est quoad corpus, nos autem quoad animum servamur". ROSEN. in scholis ad hunc locum.

dd) Ne dicat quispiam nos plus justo extendisse comparationem, quæ in his ineft versibus. nostram explicationem confirmant quæ in Rom. VI: 8, 11, συζητομεν Χριστω, ζωντες εν Χριστω; & ibid. VIII: 17, επεξ συμπασχομεν, ινα και συνδοξασθωμεν Χριστω, leguntur.

Si vero ζωσ. τῷ πνευματι in vita conservatus quoad animum, ut somniarunt nonnulli, significet, non intelligo plane cur hoc traxerit Petrus mentionem de resurrectione v. 21. At explicatio nostra, ex sepulcro vivus & redux factus est in statu gloriosum, optime his convenit versibus. Etiam nos participes erimus gloriose Ejus & aeternae vitae — Ejus ὁ εἶναι εὐ δέξια τῷ Θεῷ, πορεύεται εἰς οὐρανού v. 22, — super undas τῷ βαπτισμάτος νεκτί, sicut αἱ σληγαὶ εὐ κιβωτῷ super τὸ οὐδών.

Incipit Cap. IV: Χριστός εγ --- h. e. quum igitur Christus (ut nuper dixi). Est itaque Cap. III:ti continuatio ee). Annos verba Χριστός επαθε ὑπερ ἡμῶν se referunt ad επαθε δικαιos ὑπερ αδικων v. 18 Cap. præc.? Epaphe igitur ibi dicitur: ita επαθε, ut θανατωθεις μεν σαρκι ---, ἵνα ἡμας προσαγαγε τῷ Θεῷ, hic ὑπερ ἡμῶν σαρκι. Necesario igitur το σαρξ idem significet utrobiique. At quod Christus passus fuerit σαρκι, nequaquam — quasi vertas quoad corpus de afflictionibus mere corporeis sumi potest, ac si alios omnino non sustinuissest afflictus. Mille annorum quid sunt afflictiones corporis respectu earum, quas unam sentire posit animus vexatus horam. Nihili itaque faciamus cruciatus Jesu in Gethsemane, ubi guttas sanguinis sudavit! nihili Ejus verba: περιλυπος εἴναι ψυχη με ἐως θανάτος! Significet idcirco necesse est σαρξ. IV: 1, in initio verius, non corpus Christi solum, verum animum simul, sive totum Jesum qualis erat in statu exinanitionis. Neque in fine hujus vers. — ubi in aprico est το σαρξ eandem habere notionem ac in initio — notio corporis huic voc. apte adæquari potest. Igitur nec ejus oppositum πνευμα esse potest animus. Humana Ejus natura significari

---

ee) Absurdisimum esset, ad quod proni fuerut quidam, id negare. Quam evidenter idem in utroque proditur genius! quam correlatae omnes locutiones! & ad eundem tenditur scopum tota hostationum & consolationum series!

nequaquam potest illo *σαρκι*; nam alias, quomodo homines in fine versus citati dici potuerunt pati secundum hum. naturam, qui divina plane non gaudent? Ergo nec *πνευμα* divina Christi est *natura*, verum necessario in opposito notionis *hujus vita* significet alteram vitam i. statum post mortem gloriosum.

Cui sententiæ corroborandæ etiam maximo nobis inserviet usui IV: 5, 6, ubi: *persecutores l. irrisores vestri, ipsi rationem reddere cogentur Ei, qui judicaturus est; at vos male tractati nihil, etiamsi jactura fiat hujus vitae, perdetis.* Quapropter etiam *veneris ff*), jam III: 20 nominatis, læta & felicia sunt annuntiata, ut sc. ab hominibus quamquam ad mortem, jacturam corporis i. hujus vitae, damnati, fore tamen ut a Deo, virtute Dei, *vitam consequantur aeternam gg*). Validissimis proinde suadet nexus antecedentium & consequentium argumentis hunc verbis III: 18 saepe allatis tribuere sensum hh).

Ulterius, nullibi in toto N. T. codice Christum secundum hum. naturam necatum & secundum div. resuscitatum di-

*ff*) Fieri non potest quin studatur heic ad eos, quorum fiebat mentio III: 20. De cetero, si intelligendi esent in genere qui ob Relig. per injustos judices vexati & e vita sublati esent, sive ut alii præoptarunt, peccatores, qui Apostolo tamquam cadavera (in peccatis forsitan mortui) haberentur; manerent nihilominus eadem, quas ex orationis serie erimus, voc. *πνευμatos* & *σαρκος* significaciones.

*gg*) Manifestum est, quidquid non conveniat asserere de *σαρκι* & *πν.* hoc loco, neque de illis III: 18 convenire. Ibi de animo & corpore, ut jamjam ostendimus, loqui non fas est; ergo neque heic erit. Et contra quoniam heic natura hum. & div. non posunt, de hominibus scil., commemorari, nec illuc potest esse Christi utriusque naturæ mentio.

*hh*) Conferre etiam profit Philipp. III: 21, ubi *σωμα της ταπεινωσεως* & *δοξης* æquivalere statui *σαρκικω* & *πνευματικω*, supra jam demonstravimus.

ci reperies. Nullibi in tota historia passionis Christi aperte & distinctius commemorantur duæ Ejus naturæ. Cur vero heic eas toties & seorsim nominascat Petrus? Demonstraturo ei quod nobis gratiam Dei paraverit Servator, quid opus fuit mentionem de Ejus naturis facere, cum de cetero frequentissime in Sacr. Litt. legitur *per mortem Ejus nos cum Deo reconciliari?* Verum quidem est Deum simul Eum esse opportere, qui opus Redemtionis præstare posset; at, nomine Christi Deum simul insigniri, loquendi & scribendi jam pridem statuerat & ratum fecerat usus, Petro & Christianis omnibus familiaris magisque omnino notus, quam qui hac occasione legentium mentibus inculcari debuisset *ii).* Pariter ac in vita communis, quamvis nulli dubitemus fieri nihil sine adjutore Deo posse, tamen, conditionem sine qua non omnium nostrorum suscepitorum esse auxilium Ejus, haud semper expresse monere sole-

*ii)* En tibi, si placent, verba Anonymi in Repert. EICHEN, p. II. p. 8: "Allein ich will bey dieser Hypothese nicht fragen, ob es genau, ob mit der gewöhnlichen, und, wie ich glaube, richtigen Vorstellungs-Art der Trinität vereinbar sey, Christo die göttliche Natur zuzuschreiben? Ob sein Antheil an derselben uns genug rechte gebe, in ihm die ganze göttliche Natur zu suchen, und ob man, ohne Gott, dessen Natur nur Eine ist, und mehrern außer einander nicht zukommen kan, zu vervielfältigen, von einer Person theologisch gut sagen könne, sie habe die göttliche Natur? — Ich will auch nicht sagen, was jeder weiss, dass überhaupt der Schriftstellen sehr wenige — vielleicht gar keine — angetroffen werden, darinnen Zugleich der beyden NATUREN Christi gedacht wird. Ich will nicht wiederholen was Schmid in Wittenberg neuerlich erst gesagt und bewiesen hat, dass σαρξ niemals die Menschliche Natur nach der Schriftsprache sey, sondern in Physischem Verstand der grobe Leib." — De πνευματι dicit SCHLEUSNER in Lex. N. T., ". . . Ne unicum tamen (si locum 1 Cor. XV: 45 excepitis, ubi tamen magis de spiritualitate sermo est, quam de omni maiestate divina) locum invenire mihi contigit, ex quo πνευμα etiam in N. T. divinam Christi naturam significaret, certo & its demonstrari possit, ut nullum relinquatur dubium."

mus, quia res est omnibus notissima. Porro, si secundum Div. tantum naturam resuscitatum dixisset Christum, sequitur omnia attributa humanæ naturæ his in terris l. hoc in mundo remansisse *kk*). Sed hoc posito, quid quæsto in nobis es-  
set, quod regnum cœlorum intrare posset? Vel si interpreta-  
ri mavis *vi sua & omnipotentia* sive mediante *Natura Divina* ip-  
sum semet in sepulcro vivificasse: æque nos miserandi, qui-  
bus nulla contigit Div. naturali! En mirum, quale nobis pro-  
posuisset Apostolus exemplum, numquam ulla nostra spe se-  
quendum vel æmulandum *ii*)!

Quod πνευμα & σωρεξ verti nequeat animus & corpus  
*Christi*, supra jam probavimus. Nec potest hæc interpretatio  
nisi valde inepta, & ægre vel per multas ambages ac discur-  
sus obtinenda videri. Etenim quid sibi vult: occisus quo-  
ad *corpus*, vivificatus quoad *animum*? Animus itaque perire  
posset! Nequaquam inquiunt, τῷ ζωοποιθῆται tribuentes

*kk*) An igitur cessaverat humana Ejus natura? vide libros Symbolicos,  
*de persona Christi Epitome* p. 609. (Ed. Rechenb.) "Christus ver-  
rus Deus & homo in una indivisa persona est, permanetque in  
omnem æternitatem". Contra quod dogma periculum est ne pec-  
cent, qui naturam humanam divinamque h. l. intelligere velint.  
Ad errorem etiam Eutychis, quod humana scil. natura in Deita-  
tem mutata esset, prope accedere, & ante omnia favere videntur  
errori, qui sub N. XII, inter *contrarias & falsas doctrinas de per-*  
*sona Christi*, p. 611 in Libr. Symb. rejicitur: "Quod sola humanitas  
pro nobis passa sit, nosque redemerit: & quod Filius Dei in pas-  
sione nullam prorsus cum humanitate (reipsa) communicationem  
habuerit: perinde ac si id negotium nihil ad ipsum pertinuisse?"

*ii*) Non perire nobis potest consolationis effectus inde, quod scimus  
Christum hominem verum simul fuisse Deum; nam si Ei insit vel  
infuerit divini quid, nihil aliud id indigit, quam quod nobis  
multo, immo immense fuerit perfectior. At humano more loquen-  
di, erit ut in his mundanis, ita & in cœlestibus illis, bonorum  
quoad gradus diversitas.

significationem *in vita conservandi*. Quid inde? nonne ut nobis aditus ad Deum pateret, necatum esse Jēsum quoad corpus, & vivum conservatum Ejus animum? Ut vero nobis aditum ad Deum aperiret, nequaquam fuit ut Is moreretur tantum, & animus Ejus, mori nescius, vivus detineretur, sed ut e morte, revera vivificatus, resurgeret, & resurrectione sua vi*ctoriam* a morte aeternam reportaret. — Derivationem verbi *ζωοποιεῖν* etymologicam examinantes, nulla in hunc sensum vestigia retegere valemus. Permittit ποιεῖν significaciones faciendi, producendi, procreandi, restituendi, & s. p. numquam vero, quantum mihi quidem notum, eas *detinendi* l. *conservandi*. Haud omnino ignoro voces a primitivis in alienos, eosque a genuino remotissimos abire significatus: quod vero ad verbum *ζωοποιεῖν*, nullibi eo id adhiberi observabis sensu, quo *in vita conservare*, idem ac σωζεῖν significet mm). Hisce

mm) Video equidem ROSENmüllerum, in Scholiis ad hunc locum, explicare *ζωτ.* per *in vita conservatus*, cui verbo pariter ac Hebreo יְחִי מִתְּנִתָּן hanc competere significationem, asserit. Unde hoc summis est, illet. KOPPIUS in notis ad Galatas pag. 101 idem contentus citatque TROMMIVM, cuius vero opera visendi mihi defuit occasio; & exempli causa assert Ps. XXX: 14; quo tamen loco ὅτι ἀponunt, επωστας με &cet. Anonym. in Repert. EICHEN. sepe opponit MICHAELIDI idem contendenti: "Allein sollte sich nur Ein Exempel antreffen lassen wo ζωοποιησαι beym Leben erhalten bedeutet". Nullis in Lexicis, quae consulere mihi licuit, neque factorum neque profanorum scriptorum, tales reperi hujus vocabuli significationem: nec in laudatissimo illo *Novo Thesauro philologico-critico V. T.* quem post BIELIUM & alios viros doctos composuit & edidit J. F. SCHLEUSNERUS. Unicum, tale quid demonstraturum, quod assert ille exemplum, THEODOTIONIS ad Jef. XXVI, ipse nec agnoscit, putatq. ζωοποιησησθαι legendum; LXX ibi αγαπησαι — observat, (loquitur Jesaias de mortuis,) Sub ζωοποιησι, substantivo, etiam unicum, quod hoc spectaret, reperiatur ibi exemplum; legitur: "conservatio vite Est. IX; 8, 9, ita BIELIUS, sed ut recte monuit BRETSCHNEIDERUS,

addas, quod tali usui hujus vocabuli non convenient vulgares  
hac de re N. T. locutiones. Ubique de resurrectione Christi  
usurpatum, aperte *vivificare*, nullo modo *in vita conservare*  
significat; pariterque ubi huic æquivalentibus utuntur sacri  
scriptores, semper legimus Christum a *Patre*, a *Deo*, εἰσ ὀξεῖαν  
θεού, & s. p. *resuscitatum esse*. Rom. VIII: 11 nn) ζωποιεῖν  
eadem prorsus ratione ac apud Petrum usurpatur: deinceps  
usum hujus vocabuli probant Eph. II: 5, 6; Rom. VI: 4,  
πνεῦμα Χριστός εκ νεκρῶν διὰ τῆς ὀξείας τὸ πάτερος. Conf.  
ulterius Act. Ap. II: 24, 32; 1 Cor. VI: 14; 2 Cor. IV: 14,  
& s. p.

Sed versus sequens 19 offensioni multis fuit, ubi το εὐ αἱ  
referri debere iis visum est ad το πνευμα vers. præcedentis.

ζωπ. ibi potius est vita conservatio ζείση συστένατο, quæ non so-  
lum in eo cernebatur, quod rex iis viatum suppeditaret, sed quod  
etiam eos interfici non juberet". Sed morituros jam in vita viatu  
conservare, idem ferme est ac vivificare.

nn) Πνευμα in hoc versu, alio usurpari sensu ac 1 Pet. III: 18,  
non est quod moneamus.

oo) Hoc loco sive interpretationem CARPZOWII, FROMMANNI, ERNESTI  
ceter. ut gloria Patris illustris reddatur vel augeatur foveas; vel  
si lubentius sententiae SCHLEUSNERI, Christum resurrexisse omnipo-  
tentia Patris, ad stipulari velis, ad rem proprie nihil. At equidem  
putaverim διὰ τῆς ὀξείας h. l. non minus ac 2 Pet. I: 3 τὸ καλε-  
σατος ἡμᾶς διὰ ὀξείας καὶ αὔξετης, sumenda esse ad exemplum  
PLUTARCHI: διὰ λογιῶν ελθεῖν venire verborum l. loquendi causa  
h. e. ad colloquium; priori itaque loco: in statum apud Patrem  
gloriosum, & posteriori: ad perfectissimam gloriam, h. e. statum  
gloriosum. Quodque eo magis, quo Paulus loco apud Rom. citato  
in nobis cum Christo comparandis ait: ita etiam nos, moraliter,  
εὐ καινοτητι ζῶμεν περιπατησομεν. Ex his positis acceptisque  
novum pro demonstranda nostra apud Petrum interpretations τὸ  
πνευματος nobis accedit argumentum.

Necesse itaque fuit, ut per πνευμα intelligerent vel animum l. naturam Divinam vel etiam omnipotentiam, non vero statum Christi post mortem; quoniam sequentia voluerunt de descensu Christi ad inferos interpretari pp). Hinc consutae variae hypotheses, adeo ut nullus adhuc Art. fidei magis fuerit vexatus. At ex tenore linguae græcae, multiplices competit significatus vocabulo εν. Inter alios sufficit nominasse τις περι, de; και καυχασται εν Θεω, gloriari de Deo, Rom. II: 17; εν ηλια τι λεγει η γραφη, de Elia — ibid. XI: 2, ω referri potest non solum ad vocabulum immediate præcedens, verum etiam ad totum comma, cujus & qualis apud Petrum qq) imprimis non rara reperiuntur exempla (I: 6, εν φω αγαλλιασθε, qua de re; IV: 4, εν ω ζευξονται, qua de re I. quod mirantur); ita ut non quoad quem (animum post mortem superstitem) sed qua de re etiam animos apud inferos edocere I. læta adnuntiare

---

pp) "Illi qui verba ista 1 Pet. III: 19 intelligi volunt de descensu Ejus (Christi) a cruce ad prædicandum in inferno, parum observant scopum Apostoli isto in loco, & toto cœlo errant ab ejus animo. I. Quod concludant generationem antediluvianam in carcere tartareo, est cum recepta sententia gentis, confitentis quod generatio ista portionem nullam habuit in mundo futuro, & quod judicata est aquis ferventibus & gehenna. II. Confert presertim generationem Judæor. cum ista antediluviana: Christum olim prædictas isti generationi, sic jam prædicare præsenti. Periisse istam generationem, peritaram & hanc. Qualem collationem etiam facit 2 Ep. Cap. III: 6. Observandum est ut Apostolus transfiliat a cruce & resurrectione Christi ad generationem ante dil. prætermisis omnibus generationibus intercurrentibus, ut hanc collationem faciat & indiget." J. LIGHTFOOTI Horæ hæbraicæ in Evang. Lucæ pag. 564. Neque hoc dicto primarie nisus doctrina de descensu Chr. ad inferos; Vide Append. ad Libros symbolicos p. 45 Ed. Rechenb.

qq) Anonym. in Report. EICHEN. part. II. pag. 12: dass man retorische Genauigkeit der Schreibart nicht in den Schriften des Petrus suchen dürfe, in denen vielmehr ungewöhnliche Ausdrücke, harde Construktionen und freie Verbindungen seiner Sätze weit häufiger als in den ybrigen Schriften des N. T. angetroffen werden.

tiare rr) perrexit, scil. ίνα αὐτα προσαγαγη τῷ Θεῷ, θαυμωθεῖς μεν &c. heic significaretur ff). At Auctor in Report. EICHEN. part. 11 pag. 13, 14, putat in his vsi. 19 & 20 omnino non de Christo esse sermonem; sed aut εκηρυχεῖ significatio fumendum Passiva tt), aut subjectum hujus verbi esse l. rectius fuisse vel Enochum uu) vel Noachum (de quo v. 20, qui & 2 Petr. II: 5 appellatur κηρυξ δικαιουντος). Sivero Christus sit subjectum verbi εκηρυχεῖ, non nostra voc, πνευματος inde labefactatur explicatio vv).

---

rr) Cir. ευγγελισθη. 1 Petr. IV: 6.

ff) Neque πορευθεῖς impedit, quominus h. l. ita sumatur. Πορευθεῖς εκηρυχεῖ, qui apertus est Hebraismus, nihil aliud significat, quam εκηρυχεῖ. Abundat textus V. T. hujusmodi exemplis, confer usum frequentem vocabuli חִרְכָּה, Gen. VIII: 3, 5; 2 Sam. III: 1; V: 10. In N. T. πορευθεῖτε μαθητευσάτε, Matth. XXVIII: 19. His adde חַלְכִים Jos. VI: 13 & Jud. IV: 9, לְהַלֵּךְ אֶל. Sic iri apud Latinos; Aller apud Gallios, Il va venir.

tt) Citat GLASSII novam Philologiam p. 245: "Activa verba non numquam passive significant. Id imprimis saepe fit in verbis activis tertie pers. masc. gen. utriusq. numeri, sine nominativo expresso".

uu) "Man lese nur ENΩΚΕΝΩΧΤΟΙC oder ENΩΚΕΝΩΤΟΙC wie leicht könnten die Buchstaben εωχ oder ωτ wegfallen?" pag. 13.

vv) Vid, quae supra manuimus Not. ss. — Posito etiam ivisse Eum, ut vulgo interpretantur hunc locum, ad inferos; an vero Ejus anima, sive cum Ipse in cruce moribundus detineretur, sive post dissolutionem animi a corpore, vel an Ipse, secundum aut divinam, aut div. & humanam naturam simul, idque sive spiritualiter sive corporaliter, ad inferos iverit, & an iste descensus ad passionem, vel potius ad gloriosam Ejus victoriam, & ut non nullis visu est, triumphum sit referendus, non is ego sum, qui explicandum in me sumam. Quævis harum interpretationum nostrum explicationem voc. πνευματος impedire nequit.

Varie de cetero explicatur hic versus 19. Vide D. HEINSIUM, ROSENMÜLLERUM, SEILERUM, & *alios*, inter quos tamen proxime convenit, respexit Petrum opiniones quasdam, tunc temporis de conditione post mortem defunctorum, prævalentes; & tempore Noe indicari tempus summæ vetustatis dudum præterlapsum; sicut etiam per antediluvianos multoties in N. T. intelligi flagitosissimos quosque ostendit POTT. Horum autem interpretum haud spernendum tenet locum explicatio in Repert. EICHH. jam allata. Cui neque resistere demonstravimus LIGHTFOOTUM, cuius eruditioni maxima debetur fides & reverentia. Postremo disuadent Libri Symbolici disceptationes in Articulo de Descensu Christi ad inferos, "quia neque sensibus neque ratione nostra comprehendi queat; sola autem fide acceptandus sit". Piissimis igitur cordibus celebremus Deum Patrem, qui Filium Jesum Christum, hac in vita afflictum necatumque, in alteram, longe præstantiorem, quam quæ linguis poslit prædicari humanis, transtulerit. Ante oculos habentes exemplum illud magnum, divinum, quod nobis propoluit Petrus, Christi scil., inaduersis patientes ut *Ille*, at ut *Ille* inculpati, etiam nos aliquando ab *Illo* in meliori statu *ζωοποιησαρεθαι*. — Sic intelleximus doctrinam Petri, certo certius periuasi, quod το πνευμα εσι το ζωοισιν.

### *Corrigenda:*

Pag. 1 Lin. 7 Leg. Quinimmo

- 3 — 15 — δυσνοητῷ illo
- 5 — 20 — fit,
- 12 — 32 — usurpantus

Cet. leviora.

